

prohibitum, anathema sit. Iccirco autem Concilium de solis Christianis
loquitur, quia exordem damnat Lutheri, qui assererat licitum eis esse,
sicut quondam Judaeis, neq[ue] ulla lege eis esse prohibitum.

Ad data uero restrictione illa, attendo. Per necessitatem de successore,
Regi, in quo solo eventu, et ratione cuius restrictionis propositio uide-
tur solum prolata, non dubitamus eam esse ualde temerariam, pra-
sumptiuam offensiuam, scandalosam, plusquam periculosam in fide,
publicaq[ue] detractatione dignam; praesertim cum asserat id ex se esse
licitum, absq[ue] ulla summi Pontificis dispensatione. Quamuis enim ar-
bitremur nullam ad id potestatem relictam a Deo esse in Ecclesia,
grauiori tamen censura digna est ea propositio, asserens id ex se esse
licitum, quam si ex summi Pontificis dispensatione licere diceretur.

Ratio huius nostrae censurae haec est, quoniam contra fidem est
post Euangelicam legem asserere polygamiame esse licitam, idq[ue]
refragante iure diuino non solum positiuo, sed etiam naturali,
ut aperte sonant testimonia citata, et definitio Inno. 3ⁱ uelut
magis patebit: illa autem circumstantia sufficiens non est, ut per
epitaphiam ea exceptio fieri possit a diuino, ac naturali iure,
etiam si ex hominum nequitia successoris defectus praebere deberet mul-
torum malorum occasione. Id enim quod per se, et ex natura dei na-
turali, et diuino iure est prohibitum, sane propterea, quia hominum
malitia euenire possunt, nec mutari debent, nec possunt. Adde
admissa in ea materia exceptione illa a iure naturali propter ea
circumstantiam, continuo multiplicandas, atq[ue] extendendas esse
exceptiones ex alijs circumstantijs. Adde etiam nec certo per se
secundum matrimonium Regem habiturum esse successore, nec si illum
esset habiturus, certum esse per eum uitanda esse mala, quae timen-
tur, nec futura alia grauiora. Adde praeterea, ex eo quod de si-
descendens, non sequi debet successore legitimum; Itemq[ue] Regnum ipsu
eligere sibi posse successore in euentu, quod omnis uniuersum legi-
timus successor desit. Quod autem Regnum ad eum statum redeat, in
quo erat antequam ullus in eo crearetur successor, causa non est
sufficiens, ut propterea ea exceptio a diuino, et naturali iure fiat.
Quod ad primam interrogationem attinet, duo capita sunt

unde propositis illa potest esse asserta. Vnu, quia autor illius existimat
licitam esse polygamiam stando in solo iure naturali. Alteru quia 127
existimans illicitam esse, censet nihil minus esse licitam ex circums- 738
tantia, quod rex gallicus uxorem sterilem habeat, et Successore in Regno
careat.

Quod ad primum caput attinet, non ignoramus nonnullos catholicos asse-
ruisse, polygamiam stando in solo iure naturali esse licitam, solo
uero diuino positius iure esse illicitam. Cateru communis scholasti-
coru, ac patru sententia est in contrarium, nec dubitamus illa alia
paru esse tutam in fide. Primum, quia Lex Evangelica est Lex liberta-
tis, neq. Christus coarctauit naturale ius per precepta positina: Quare
uerisimile non est reddidisse nulla ea matrimonia, quae in stando
in solo iure naturali, erant licita, ac ualida. De qua id Christus
aperte significauit Math. 19. dum, ut ostenderet illicitum esse repu-
dium uxoris, et matrimoniu cu alia uiuente adhuc repudiata, atq.
ades illicitam esse polygamiam, id ostendit, ac probauit ex prima ma-
trimonii institutione, dicens. Non legistis, quia qui fecit hominem ab
initio, masculu, et feminam fecit eos. Et dicit, propter hoc demit-
tet homo patrem, et matrem, et adhaerebit uxori suae, et erunt duo
in carne una. Itaq iam non sunt duo, sed una caro. Quod ergo Deus
conjunxit homo non separet, et infra. Moyses ad duritiam cordis
uestri permisit uobis dimittere uxores uestras, ab initio autem non
fuit sic. Dico autem uobis, quia quicumq. dimiserit uxore suam, et
aliam duxerit, meretur. Ecce, ex prima matrimonii institutione
ipsiusq. naturae docuit esse conjunctione unius cum una tantum,
aperte significans, se non constituisse aliud preceptu, quam illud na-
turale ex ipsa matrimonii institutione; id, quod aperte constat, et
si uacaret modo haec, et alia Genesios uerba expendere.

3o. Validissime probatur polygamiam stando in solo iure naturali
illicitam esse, ac inuolidam, quoniam si polygamia stando in solo
iure naturali esset licita, sane matrimonio unius infidelis cum
pluribus uxoribus essent hodie ualida; quando quidem infideles ante
quam Ecclesiae obtinu ingrediantur non tenentur legibus posituis
Euangelij: at uero c. Gaudemus de diuore definitum est, ejus-
modi omnia infidelium matrimonia, praeter primum, esse nulla, neq.
unquam polygamiam ualidam fuisse, nisi ex diuina dispensatione,
eaq. de causa, qui ad fidem conuertitur, si plures habeat uxores, pre-
cipitur separari a reliquis, et manere cum sola prima, si illa sine
injuria saluatoris consentiat habitare cum ipso, idq. seruat praexis



ecclesie: ergo polygamia stando in solo iure naturali est inualida,
ac nulla, contrariumq; affirmare est parum tutum in fide.

Si ergo propositio illa ex priori illo capite esset asserta, censenda profecto
hodie esset parum tuta in fide. Veruntamen nulla ratio videtur
fuisse asserta ex eo capite. Quoniam si autor credebat, polygamiam
stando in solo iure naturali esse licitam, non habebat necesse recurrere
ad eas circumstantias, si rex gallie uxorem haberet sterilem, et carent
successore in regno; quoniam ex eo capite, etiam sine his circumstan-
tijs videmus esse asserendum stando in solo iure naturali. Quare ex solo
posteriori capite proculdubio videtur propositio asserta, supposito, quod
polygamia iure naturali illicita esset, ac nulla.

Quod si in eo sensu asserta fuit propositio, sane eadem fere censura arbi-
tramus esse notandam, qua in terminis secunda, et tertia inter-
rogationis notata a nobis fuit; qui namq; arbitratur, iure diuino
naturali illicitam, ac nullam esse polygamiam, censet, legem Evan-
gelicam solum abstrulisse dispensationes omnes, quae ante ipsam circa
praecipuum illud a Deo erant concessae, statuisseq; illud naturale pre-
ceptum in tota sua amplitudine esse deinceps seruandum; in ea uero
opinionem idem ^{est} legem Evangelicam, adhibito exemplo in Rege gallie,
qui et mulierem habebat stentem, et successore in regno carebat, uelle
ex ea circumstantia eximere polygamiam in eo euentu a iure diuino
naturali, et uelle in illo eodem euentu eam eximere a lege Evan-
gelica, quae non aliud statuit, quam praecipuum ipsum iuris naturalis in-
frangi, et robore absq; ulla diuina dispensatione. Et deniq; culpa in
asserenda ea propositione, siue in terminis prima, siue secunda, aut
tertia interrogationis fuerit asserta, in eo posita est, quod assertor
illius ex circumstantia illa uelit eximere polygamiam in eo euentu
a praecipuo iuris diuini, siue praecipuum illud solum sit diuini natura-
le, siue etiam positium.

Censura della propositio
del dottor P. V. P. V. V. V.